



**LEANO LA GO DIRA GORE  
PUSO SELEGAE E GO  
DIRELE BOTOKA**

**Voutela ANC**

**Botshelo jo bo botoka go botlhe**



**SETSWANA**

# LEANO LA GO DIRA GORE PUSO SELEGAE E GO DIRELE BOTOKA

Mo dingwageng di le tlhano fa e sale MaAfrika Borwa a voutela demokerasi ya bona ya ntlha le ya mmatota e e sa kgetholo-  
leng ya bakhanselara ba selagae, re dirile mmogo go tokafatsa  
matshelo a baagi go kgabaganya lefatshe la rona.

Ditsela di adilwe ka sekontere mme mebila ya tshubiwa ka dipone  
lwantlha, kabo ya metsi le ya maatla a motlakase e fitlheletswe  
ke bantsi go feta mo dingwageng tse di fetileng; go agilwe matlo  
a le mantsi; ditirelo tsa selagae go tshwana le go olela matlakala  
di tokafetse; batho ba le bantsi jaanong ba itumelela ditirelo tse  
di botlhokwa tsa mahala; go agilwe ditshiamelo tse dintsha tsa  
metshameko le boitapoloso; diofisi tsa dipusoselegae di ntse le  
bokgoni jwa go itumedisa ditlhokego tsa baagi.

Le fa go le jalo, go santse go le gontsi mo go tshwanetseng go  
dirwa. Ka go itshetlega mo tswelelopeleng e re e fitlheletseng  
le go ithuta ka maitemogelo a se, ANC e boloditse letsholo la  
maano a go dira gore pusoselegae e go direle botoka.





Ka leano le, re tla:

- **Itlhaganedisa go abiwa ga ditirelo tsa botlhokwa** go netefatsa gore MaAfrika Borwa otlhe a fithelela metsi a a phepa le mesele ya kgelelo ya leswe mo ngwageng wa 2010, matlo otlhe a tla bo a tlametswe ka maatla a motlakase mo ngwageng wa 2012, e bile ka kakaretso go tla abiwa ditirelo tsa botlhokwa tsa mahala go botlhe.
- **Tokafatsa go abiwa ga matlo**, re netefatse gore go matlo a boleng jo bo kwa godimo gaufi le ditshiamelo tsa merero ya seikonomi,
- **Tokafatsa ditirelo tsa semmuso tsa botlhe** kwa maakelong le kwa dikliniking, kwa dikolong, kwa diteisheneng tsa sepodisi le kwa ditikwatikweng tse dingwe tsa puso,
- **Tlhome ditshono tsa ditiro** ka go bolotsa diporojeke tse dikgolo kwa diporofenseng tsothle,
- **Tlhome mafaratlhatlha ka manaane a tlhabololo ya ditiro tsa botlhe** go netefatsa go tlhabolola bokgoni le ditshono tse dintsi tsa ditiro,
- **Lwantsa bohumanegi ka go diragatsa manaane a a kgethegileng** kwa dikgaolong tsa magae le tsa ditoropo kwa batho ba ba humanegileng thata ba tshelang gona,
- **Ema nokeng tlhabololo ya dikgwebo potlana** ka go thusa ka go tlamela ka bokgoni, ditlhokego tsa go adima tshelete le tse dingwe.

Go netefatsa gore tota lenaane le le a diragadiwa, puso ya ANC e tlhomile ditlhophha tsa badiri ba bokgoni jo bo kwa godimo go dirisana le bommassepala ba ba tlhokang thuso ya maemo a a kwa godimo, le **go dira ka natla**.

Go sekasekilwe gape ditlhokego tsa bokgoni jwa mmasepala mongwe le mongwe gore ANC e netefatse gore **metswedi e le mentsi le badiri ba ba katisitsweng ka botlalo** ba abelwa dipusoselegae.

Re tla tokafatsa mekgwa ya go dira le boikarabelo jwa bakhanselara ka **melawana ya mekgwa ya go dira** e bakanselara botlhe ba pusoselegae ba ANC ba tshwanetseng go itlamba gore ba tla e diragatsa. Tiro ya bona e tla sekasekwa gangwe le gape go netefatsa gore ba fitlhelela maitlamo a bona.

Rona rotlhe re batla tirelo e e botoka kwa dikolong tsa rona, kwa dikliniking tsa baagi le kwa diofising tsa puso. Rotlhe re batla ditshiamelo tse di botoka go tokafatsa matshelo a ba malapa a rona. Baagi bangwe le bangwe ba tshwanelwa ke mesele ya kgelelo ya leswe ya maemo a a kwa godimo, ditsela tse di siameng, tikologo e e phepa le dipone tsa mo mebileng.

Rona rotlhe, fa re ka tshwaraganya diatla mo Konterakeng ya Batho, mongwe le mongwe wa rona a ka itemogela botshelo jo bo botoka mo tlase ga loapi lwa Afrika Borwa.

**Ka jalo, ema nokeng leano la go dira gore  
pusoselegae e go direle botoka.**

**Voutela ANC mo ditlhophong tsa  
pusoselegae ka la 1 March 2006.**

**Voutela ANC**

**1 MARCH 2006**

